

# KONTAKT

KYRKJEBLADET FOR MELAND · NR. 2/23 · 33. ÅRGANG







Bildetekst Magnus Blom: Magnus Blom, foto: privat

## Ny kyrkjelydsmusikar i Meland kyrkje

Tekst: Solveig Westermoen

Foto: Anne Sofie Nergård Uthaug, Privat

**Etter lengre tids vakanse er det no endeleg tilsett ny kyrkjelydsmusikar i Meland kyrkjelyd. Magnus Blom tiltrer stillinga 01.juni og gler seg til å starte eit nytt kapittel i livet.**

Magnus Blom kjem frå Skänninge utanfor Linköping i Sverige, men har budd i Noreg i meir enn 20 år. Han er utdanna pianist og pianopedagog frå Musikhögskolan i Stockholm, og byrja å spele alt som sjuåring. Han tok pianotimer på den svenske musikskolan og gjekk sjølvsgatt musikklinje på vidaregåande. Han har alltid hatt stor glede

av musikken, og den har vore ein stor del av livet hans heile vegen.

I tillegg til å halde konserter jamleg både i Noreg og Sverige har Magnus hatt fast stilling ved Stord Kulturskule i 20 år. Han har pendla mellom Frekhaug og Stord i denne perioden, og gler seg til å ha kortare avstand til jobb. “Eg fylte 50 i fjor og kjente at no var tida komen for eit jobbskifte og denne muligheten verka utruleg spennande” seier han til Kontakt.

Blom er ikkje ukjend med å spele til gudstenester. Han var mykje vikar i Svenska Kyrkan før han flytta til Noreg, og har halde konserter i mange kyrkjelege samanhengar opp gjennom åra.

“Eg har brukt mykje tid dei siste månadene på å øve opp

att orgelspelinga” seier han med eit smil. Han innrømmer at det er lenge siden han har spela mykje orgel, men har god tru på at han skal klare å halde styr på både tangenter og pedaler etter kvart. Han er svært takksam for at han har hatt tilgang til kyrkja og orgelet i fleire månader allerede, for “eg har både flygel og piano og el.piano heime, men orgel er ikkje noko ein vanligvis har i stova,” ler Blom.

Magnus er gift med Katarzyna Julia Leikvoll, og saman har dei to born; Elisabeth og Martin. Katarzyna Julia er førsteamanuensis ved Griegakademiet (UiB) og pianolærer i Alver kulturskule. Borna spelar begge både i Alver kulturskule og i Sagstad Skulekorps, Elisabeth spelar trompet og Martin saksofon.

Når Kontakt intervjuer Blom, har Sagstad Skulekorps akkurat spela konsert i Griegsalen under Hordablæsten. Seinare fekk vi vite at dei hanka inn ein tredje plass i sin divisjon. Om borna kjem til å ende opp som utøvande musikarar slik som foreldra, er ikkje gitt, men at heile familie har stor glede av musikken er veldig tydeleg.

At Meland kyrkjelyd er ein musikalsk kyrkjelyd men mange dyktige frivillige musikarar er Blom svært glad for. Han gler seg til å verte kjend med dei som allerede bidreg til det musikalske og har og kontakter i andre musikkmiljø som han tenker å ta med opp i Meland kyrkje. Han har ei brei musikalsk bakgrunn og har, i følgje han sjølv, gjort alt mulig musikalsk opp igjennom livet. Frå å turnere med operetteselskap og akkompagnere operasangere til å spele el-gitar i studentband. Han er difor positiv til å jobbe breitt med kyrkjemusikken, slik vi har blitt vande med i Meland kyrkje. Personleg er han glad i opera, og trekker frem forestillinga Parsifal av Wagner som var sett opp i Grieghallen i vinter som eit høgdepunkt av konserter i Noreg.

Når Kontakt spør han om korleis han vil setje sitt preg på musikken, dreg han litt på det. “Først og fremst vil eg bli kjend med kyrkjelyden, gjere ting på deira måte i byrjinga og bruke min musikalske erfaring og bakgrunn til å videreføre den gode kyrkjemusikken”, seier han. “Men eg har svært lyst til å starte opp med ein eller flere salmekvelder, så det håper eg å få til”.

Kontakt ynskjer Magnus Blom hjarteleg velkomen til kyrkjelyden og vi gler oss til gudstenestene framover.



Bildetekst MB flygel: Blom trivst best bak eit flygel, foto: privat

#### FAKTA

NY KYRKJELYDSMUSIKER: MAGNUS BLOM

BUSTAD: FREKHAUG

GIFT MED KATARZYNA JULIA LEIKVOLL

TO BARN; ELISABETH OG MARTIN

  
**SKARSVÅG**  
Rør og Interiør as

Telefon: 56 17 07 10 Telefaks: 56 17 07 11  
Besøksadresse og Postadresse:  
Melandsvegen 15, 5918 FREKHAUG

Mandag-Fredag 08.00-16.00 Lørdag : STENGT

For avtale etter kl. 16.00 alle hverdager,  
ta kontakt på telefon: 56 17 07 10

**KIWI mini oris**  
for alle med sans for lavpris  
FREKHAUG SENTER  
Åpningstider: Man-lør: 07.00-23.00

 **Hageland**  
Søderstrøm Blomster og Hagesenter AS  
Lyngvegen 1, 5914 Isdalstø  
tlf. +47 56 35 17 65  
mobil +47 926 08 647

**REMA 1000**  
FREKHAUG SENTER  
tlf.: 56 17 60 00



# Glimt frå våren 2023

Foto: Daniel Kydland og Anne Sofie Uthaug



Agentar på marknad for rettferd



Ein "heilt vanleg" søndag i Meland



Godt humør på språkkafeen

## Kandidatar til soknerådsvalet for Meland sokn

Kyrkjevalet vert 11.september i år og då skal det veljast nytt sokneråd for Meland. Her er lista med kandidatane. Meir informasjon om desse personane kjem i nr 3 av Kontakt og på nettsida vår: [kyrkja.no/meland](http://kyrkja.no/meland)

1. Maria Christine Sæle, f. 1980, Frekhaug
2. Per Arne Traa, f. 1973, Frekhaug
3. Kari Erikstein, f. 1972, Frekhaug
4. Kristian Beck, f 1956, Frekhaug

5. Aslaug Sæle Miljeteig, f 1971, Frekhaug
6. Sølvi Knudsen, f 1946, Myrtveit, Austebygda
7. Roba Alserhan, f 1974, Frekhaug
8. Jonita Tresvik Næss, f.1965, Holme
9. Lisbeth Sjursen, f 1972, Frekhaug
10. Aslaug Aaalen, f 1973, Flatøy
11. Frode Brakstad, f. 1974, Frekhaug

**GLØDE**  
Arbeids- og Kompetansesenter

Vi tilbyr utleige av flotte festlokale og har gode cateringtilbod til dåp, konfirmasjon, jubileum og minnesamvær.  
Sjå [www.glode.no](http://www.glode.no) eller ta kontakt på 56 17 58 00

**ALT I CATERING**

**NORDHORDLAND FOLKEHØGSKULE**  
[www.catering.com](http://www.catering.com) • tlf. 56 17 43 23

**Meland Auto AS**  
Autorisert bilverkstad  
[www.melandauto.no](http://www.melandauto.no)





# Frå kyrkjebenken

Tekst: Elin Irene Klausen

Foto: John William Kay

– Kor lenge har du vore aktiv i kyrkjelyden?

– Eg har vore aktiv i kyrkjelyden sidan 2007. Då tok eg til i Radøy damekor. Eg har vore medlem av Radøy sokneråd og medliturg sidan ein starta med denne ordninga.

– Kva set du mest pris på ved kyrkjelyden vår?

– Eg trivest godt med god sang og musikk og er svært subjektiv når eg trekker fram betydninga av den fantastiske orgelmusikken me har i kyrkja vår.

– Korleis vil du skildra kyrkja?

– For meg er det ei trygg havn. Radøy damekor syng den danske salmen «Et hus å komme til» av Janne Mark (2010) oversatt til norsk av William Kay. Denne salmen seier mykje om kyrkja og forholdet til menneska. Elles er kyrkja ein stad der det er plass til bøn og refleksjon. Dette er viktig for meg. Kvardagen kan tidvis by på utfordringar og kyrkja er ein stad der det er rom får å leggje desse utfordringane fram for Gud i stille bøn. Ein kan og nytta lysgloben. Her kan ein tenne lys og samtidig be ei bøn for det som ligg ein på hjarta. Dette er godt og nødvendig synest eg, og undrer meg tidvis på kvifor det ikkje er kø for å komme inn.

– Kva salme syng du gjerne for tida?

– For tida syng eg fleire salmar: «Et hus å komme til», «The Prayer» og «All things Bright and Beautiful». Alle skal damekoret syngje på sommarkonserten sin den 10. juni.

– Kva kjenneteiknar ein god kyrkjekaffi?

– Kyrkjekaffien er viktig for det sosiale miljøet i kyrkjelyden. Ein kan stoppe opp litt, prate med kvarandre og kanskje av og til diskutere preika... Elles vert eg veldig glad om det er noko eg kan ha attåt kaffien sidan eg har cøliaki. På Sæbø hadde dei Marie Fjellsende sine tørre vaflar og det var stas. Men det er ikkje noko «must». Ein kopp kaffi heldt lenge.

## FAKTA:

**Namn:** Elin Irene Klausen

**Alder:** 57 år

**Bustad:** Kviste (5 km sør for Manger)

**Yrke:** Lærer på ungdomsskolen

AMFI

KNARVIK





# Kyrkje- valet 2023

Tekst: Synnøve Bjørndal

Måndag 11. september er det kyrkjeval. Kyrkjevalet har same opningstid og har lokale i nærleiken av kommunevalet. Kyrkjevalet er to val. Det skal veljast sokneråd og bispedømeråd. Alle bispedømeråda i landet utgjer Kyrkjemøtet.

## Kven kan stemme?

Alle som er medlem i Den norske kyrkja og som fyller 15 år i løpet av 2023 har stemmerett i soknet der dei bur.

## Medlem?

Det vert ikkje sendt ut valkort. Viss du vil sjekke om du er medlem eller kva sokn du høyrer til, kan du logge inn på «Min side» på kyrkja.no.

## Førehandsstemming

Nytt ved dette valet er digital førehandsstemming.

Periode for førehandsstemming:

- Digitalt: 10. august – 6. september
- Fysisk i eige sokn: 10. august – 8. september
- Fysisk i anna sokn: 10. august – 1. september

Tid og stad for førehandsstemming i Alver vert kunngjort seinare.

## Digital førehandsstemming

- Veljarar loggar seg på med Bank-ID eller tilsvarande.
- Ein kan stemme så mange gonger ein vil, den siste stemma blir den teljande.

- Ein kan ikkje stemme på nytt på papir viss ein har stemt digitalt.
- Det er veljaren som har ansvar for at det blir hemmeleg val.

## Endringar på stemmesetelen

1. Veljaren kan gi ei ekstra personstemme til inntil tre kandidatar på lista ved å sette kryss ved namnet til vedkommande.
2. Veljaren kan også
  - a) **Ved soknerådsval:** Skrive inn inntil tre valbare personar. Desse får ei personstemme kvar.
  - b) **Ved bispedømerådsval:** Gje inntil tre «slengarar» til kandidatar frå ei anna liste ved å føre opp namnet i eit eige felt. Desse får ei personstemme, og lista gir ei listestemme per slengar til lista til vedkommande.

## Meir info

Du finn meir informasjon på kyrkjevalet.no og på heimesida til den lokale kyrkjelyden din.

# – Det viktigaste for kyrkja er å forkynne at Jesus døydde for syndene våre

Tekst og foto: Øystein Skauge

## Lokale bispedømerådskandidatar:

Det er val på nye sokneråd og nytt bispedømeråd i september. Vi vil presentere meir stoff om dette i neste nummer av kyrkjebladet.

Men her fokuserer vi på dei lokale kandidatane frå Alver som står på listene til bispedømerådsvalet. Ingen frå Alver er med på Bønelista.

Bispedømerådet er det folkevalde organet rundt biskopen. I alt sju medlemmer vert valde inn i lag med ein prest og ein lek kyrkjeleg tilsett. Til saman utgjer alle bispedømeråda i landet Kyrkjemøtet som kjem saman ein gong i året. Dette er det øvste organet i Den norske kyrkja.

Tre kandidatar frå Alver står på tre av dei fire aktuelle vallistene ved bispedømerådsvalet.

På Frimodig kyrkje si liste står student Karen Sofie Uthaug (fødd 1998) frå Frekhaug. Journalist Håkon Glatved-Prahl (1956) frå Alversund står på lista til Open folkekyrkje, og Hege Feet Askvik (1957) frå Knarvik er lokal kandidat på Nominasjonskomiteens liste.

Vi har samla desse tre til ein samtale omkring valet, og om

det dei opplever som viktig å fortelje om det deira lister representer.

Håkon Glatved-Prahl sit i styret for Open folkekyrkje i Bjørgvin. Han fortel at mottoet deira er «Tru, håp og kjærleik. For alle.»

– Vi ynskjer at folkekyrkja skal vere open, med plass for alle. Alle skal vere velkomne og bli verdsett. Uavhengig av kjønn, legning og teologisk ståstad. Vi vil motarbeide alle former for diskriminering.

Karen Uthaug fortel om Frimodig kyrkje at dei på denne lista er opptekne av at kyrkja skal vere lokalt styrt, og at kyrkja skal byggje på Guds ord. Kyrkja må vere evangeliserande, inkluderande og til ære for Gud.



Karen Sofie Uthaug deltok på ein digital link under samtalen om bispedømerådsvalet i Knarvik kyrkje.



Hege Feet Askvik seier at Nominasjonskomiteens liste er sett saman av innspel frå dei ulike sokna. Meir himmel på jord», som er formuleringa av Den norske kyrkja sin visjon, vil vere sentralt. Lista skal innehalde eit meiningsmangfald, og skal representere alle innspel frå sokna i bispedømet. Det som ligg til grunn for lista, er altså visjonen til Den norske kyrkja sentralt og det som er strategien for bispedømet. Dette inneber ein del av dei same orda som begge representantane for dei to andre listene brukar.»



Håkon Glatved-Prahl og Hege Feet Askvik samtalte om bispedømerådsvalet i Knarvik kyrkje.

– Håkon. Du sa at kyrkja skal vere open for alle, uavhengig av teologisk ståstad. Føler du at det er slik det er, også med tanke på folk med eit konservativt teologisk syn? Er det plass for dei?

– Open folkekyrkje vil respektere alle teologiske syn, og ha plass for dei i kyrkja, seier Håkon Glatved-Prahl. Vi vil vere open for alle, også konservative.

– Karen, kva tenkjer du om at kyrkja skal ha plass for alle teologiske standpunkt?

– Eg tenkjer at kyrkja må vere ein stad der folk med ulike teologiske standpunkt kan kome og vere. Personleg vil eg ikkje støtte inngåing av likekjønna ekteskap i kyrkja. Det er vigselen i kyrkja eg opplever som problematisk. Samstundes tenkjer eg at det vil vere naturleg at kvar enkelt kyrkjelyd kan velje sitt standpunkt i denne saka, utan overstyring utanfrå.

Men Håkon synest det er leit at så få prestar i Alver er villige til å vigsla likekjønna par i kyrkja.

Hege: –Eg tenkjer at vedtaket som Kyrkjemøtet gjorde i denne saka var svært viktig. Og endå meir at bispedømet at sagt at ingen prest skal kunne nekte å samarbeide med ein kvinneleg prest. Vi må ha køyrereglar der vi ikkje kan stå på sida og seie at eg vil ikkje samarbeide med deg. Det er øydeleggjande lokalt.

– Karen, du er yngst av oss som snakkar saman, og går sikkert i krinsar der fleire unge deltar. Opplever du at kyrkja er relevant for dei unge?

– Ja. F.eks er studentkyrkja i Bergen aktuell, kul og relevant på mange måtar. Den er super for unge. Men det er nok ein del yngre, konservative kyrkjefolk som ikkje opplever kyrkja sin bodskap som relevant. Er det kanskje for lite fokus på evangeliet? Kanskje alle debattane om nettopp likekjønna ekteskap gjer at kyrkja blir oppfatta som ein politisk arena, meir enn det eg og andre ynskjer i ei kyrkje?

– Kva andre saker er viktige å arbeide for i eit bispedømeråd?

Håkon: –Også for Open folkekyrkje er soknet si innflyting på vesentlege avgjerder viktig. Vi vil at det lokale soknerådet skal ha meir å seie f.eks ved tilsetjing av kyrkja sitt personale,

inkludert prestane.

Hege peikar på det same. Ho trur at det i tida som kjem vil bli mykje finsnekring på det som har med kyrkjeleg organisering å gjere. Men noko så viktig som klima må også vere sentralt å meine noko om, ikkje minst for ein leiar som biskopen. Dette fordi evangeliet faktisk seier noko om vårt forvaltaransvar.

– Kva er det aller mest vesentlege av det evangeliet som kyrkja skal forkynne?

Karen er snar til å svare: – Det at Jesus døydde for syndene våre. Og at vi gjennom han kan bli frelst. Dette vert det svart tydeleg ja til også frå dei to andre kandidatane.

Hege løfter fram forteljinga om den bortkomne sonen, og ser for seg at det må vere råd å lage paroler som handlar om ein Gud som ynskjer å vere nær menneska. Gjennom forvaltaransvar, nestekjærleik, det å vere eit medmenneske. Håkon peikar på at i Open folkekyrkje sitt program har klimautfordringa fått ein stor plass.

For Karen er det også viktig å få fram at for henne er det viktigaste at kyrkja framfor alt skal vere evangeliserande, meir enn å engasjere seg i det som sjølvstakt er aktuelle og viktige samfunnsspørsmål, men likevel kjem i skuggen av det å ære Gud.

Alle dei fire listene vil bli presenterte i neste nummer av kyrkjebladet. Men allereie no kan du finne dei på Bjørgvin bispedøme sine nettsider: <https://www.kirken.no/nn-NO/bispedommer/bjorgvin-bispedome/nyhetsarkiv/>

	<b>NORDHORDLAND BEGRAVELSESBYRÅ</b>	Ditt lokale gravferdsbyrå
ALLTID HÉR FOR		
<b>DU NÅR OSS PÅ TLF. 56 37 14 10 - 56 99 25 70</b>		
<b>Kyrkjevegen 1 Alversund</b>	<b>Havnevegen 31 Frekhaug</b>	<b>Elvavegen 1 Dalekvam</b>



**Etikk, takk!**



## Stadig fleire kjæledyr blir vaksinerte

Dyrepleiar Therese Skjønhaug Bakke tek imot katten Diva (1 år), som er innom klinikken for å bli vaksinert. Eigarg Hege Bø frå Manger er tilfreds med både katten sin og behandlinga på klinikken.

Tekst og foto: Håkon Glatved-Prahl

– Noko av det vanskelegaste vi opplever er når vi ser kjæledyr som har vondt, eller har sjukdommar som vi veit kan behandlast, men som eigar ikkje ser, eller ikkje har økonomi til å få ordna.

Slik svarar dyrepleiar Therese Skjønhaug Bakke når vi spør kva situasjonar som er mest krevjande i jobben ho og kollegaene hennar har.

Therese er eigar og dagleg leiar i Alver Dyreklinikk, og til liks med andre dyreklinikkar har ho lagt bak seg svært travle veker. Med finvêret blir det lengre turar for hundane, og sjansane for uheldige møte med andre hundar, hoggormar eller generelle skader er større enn elles i året. I tillegg er dyreeigarane i dag meir bevisste på forebyggjande tiltak for sine firbeinte vener, for eksempel med vaksinering no på forsommaren.

– Folk gjer meir for kjæledyra sine i dag, samtidig som vi har betre utstyr. Det betyr at vi i langt større grad kan behandla skader og sjukdomar som før kanskje enda med avliving.

### Tok utdanninga si i Danmark

Neste år er det ti år sidan Therese Skjønhaug Bakke etablerte Alver Dyreklinikk på Ikenberget. Før det var ho tilsett i Knarvik Dyreklinikk i mange år. 39-åringen har aldri vore i tvil om kva yrke ho ville peila seg inn på.

– Frå eg var ganske ung har eg visst at det var dette eg ville

satsa på. Eg er veldig glad i dyr og synest det er flott å vera til hjelp først og fremst for dyra sjølve, men også for eigarane.

Therese tok utdanninga si som dyrepleiar i Kolding heilt sør i Danmark. I dag tel staben i klinikken hennar fem personar, der to av dei er veterinærar.

Det er travelt på klinikken når vi stikk innom for ein prat. Hundar og kattar blir saman med eigarane ønskte velkomne inn, medan andre er på veg ut, gjerne akkompagnert av ein «Takk for hjelpa» frå eigarane.

### Jobbar mest med hund og katt

Og det er nettopp hundar og kattar som er Alver Dyreklinikk sitt hovudfokus, sjølv om det hender at også andre dyreslag blir lagt på behandlingsbenken.

– Vi får tidvis inn hamster og kaninar også. Til og med flaggermus, ekorn, pinnsvin og småfuglar har vore til behandling her hjå oss. Dei sistnemnde er som oftast skadde dyr, som vi kan gje ei vurdering av før vi eventuelt sender dei vidare til veterinærar som er ekspertar på slike dyr, seier Therese.

Flaggermus og pinnsvin kan vera bærarar av sjukdomar, så dei må handterast varsamt, påpeikar ho.

### Skal vera dyra sin advokat

– Litt tilbake til vanskelege vurderingar. Korleis er det å



## Etikk, takk!

fortelja til eigar at kjæledyret har best av å sovna inn?

– Det er ein del av jobben når slike situasjonar oppstår. Vi dyrepleiarar og veterinærar skal på mange måtar vera gode advokatar for dyra og tala deira sak. Samtidig må vi ta omsyn til eigarrolla, for eksempel kva livssituasjon eigaren er i. Det kan oppstå sterke kjensler som må taklast på beste måten.

– Kva med dei tilfella der eigar nektar for at kjæledyret har best av å bli avliva?

– Det skjer heldigvis sjeldan. Men i slike tilfelle må vi spørja for kven er det best at dyret får leva vidare? Er det for dyret sjølv eller for eigaren? Har kjæledyret store lidningar, og behandling ikkje vil hjelpa, så forstår som oftast eigaren at det beste for dyret er avliving.

Therese legg til at dyreklinikken har meldeplikt til Mattilsynet dersom eigar ikkje forstår, eller vil forstå, kor alvorleg situasjonen er.

– Vi har hatt tilfelle der vi har måtta melda frå til Mattilsynet.

### Større fokus på forebygging

Den daglege leiaren er snar med å presisera at det er i andre enden av skalaen arbeidet ved klinikken på Ikenberget helst dreier seg om.

– Heldigvis er det slik at kjæledyra vi har innom, klarar seg godt når dei får behandling. I tillegg er det mange som kjem med friske dyr for å få dei vaksinerte. Det er ein klar tendens dei seinare åra at folk veit meir og er blitt opptekne av å forebygga. No på vårparten set vi veldig mange vaksiner.

– Ein hundeeigar har fortald at han blei forespegla ein kostnad på langt over 20.000 kroner for behandling av eit hoggormbitt på hunden sin. Er det verkeleg så dyrt?

– Ja, behandling av hoggormbitt kan vera dyrt, men det er utelukkande fordi det medfører store utgifter for oss.

Det viktigaste er væskebehandling for å unngå at hunden går i sjokk på grunn av giften. I mange tilfelle må du gje motgift, som berre i innkjøp til oss kostar oss rundt 5000 kroner pr. dose. Derneft kjem utgifter til venefflon i foten, smertelindring, medisiner og i nokre tilfelle må hunden overnatta på klinikken. Så ja, hoggormbitt kan vera dyrt å behandla, men då er det lurt at dyret er forsikra på førehand, seier Therese Skjønhaug Bakke.

Og akkurat forsikring er eigarane av kjæledyr blitt flinkare til å ha. Mange vel enten ei forsikring med ein fast eigenandel, eller ein prosentvis eigenandel av dei totale kostnadene, for eksempel 20 prosent.

– Har du eit ungt kjæledyr, men ikkje økonomisk evne til nødvendig behandling, er det veldig frustrerande for alle partar, legg ho til.

### – Gir oss masse energi

Sjølv om enkeltsaker kan vera tøffe, tappar det på ingen måte glede av å arbeida med dyr, slår Therese fast.

– Det er veldig kjekt og inspirerande å sjå dei spente forventningane nye dyreeigarar har når dei kjem til oss med kjæledyra sine. Slike øyeblikk er det så viktig å ta vare på. Det gir oss masse positiv energi.

Før klinikksjefen hastar vidare til neste «kunde», avluttar ho med følgjande historie:

– Ein hundeeigar kom inn til oss i halvpanikk, fordi dei hadde oppdaga ein flått på hunden dei ikkje fekk bort. Dei hadde vridd og dratt, men til ingen nytte. Hunden reagerte med å bli irritert og var i ferd med å mista tilliten til eigaren. Her hjå oss viste det seg at han hadde vridd og slite i ein av pattane til hunden. Og det var til og med ein hann-hund, men sjølv hannar har pattar. Gjett kven som hadde dårleg samvit etterpå!

**Bygg Team**  
VEST AS



Alt innan tømrarfaget!

**VATNE**  
begravnelsesbyrå



Tlf: **56 35 09 10** (24t)  
Kvassnesvegen 11, 5914 Isdalsbø

**vatne-byra.no**

**HELLAND ELEKTRO AS**

EL.INSTALLASJON - INGENIØRTENESTER - SERVICE

Torvhusmyrane 6  
Nordhordland Næringspark  
5913 Eikangervåg



Tlf: 56 34 24 30  
E-post: post@helland-elektro.no  
www.helland-elektro.no  
Foretaksregisteret: NO 986 751 718 MVA

**Knarvik Blomsterstove**



Kvassnesvegen 11 – 5914 Isdalstø  
Tlf: 56 35 62 20 – [www.knarvikblomsterstove.no](http://www.knarvikblomsterstove.no)



# KULTURKALENDER

## 2. juni

### Konsert i Alversund kyrkje kl. 19.30

Draumen om fred - ein songkveld i Ivar Medaas-land. Alversund kammerkor med solistar og musikarar.

## 3. juni

### Konsert i Alversund kyrkje kl. 20.00

Konsert med Alverflaten Jazzband.

## 10. juni

### Manger kyrkje kl. 19:00

Radøy damekor sin sommarkonsert

Dirigent Jacqueline Chesney, Radøy damekor og lokale gjestar.

## 10. juni

### Konsert i Knarvik kyrkje kl. 18.00

Koret STEMMER – dirigent Tore Kloster. A capella repertoar med musikk av bl. Esenvalds, Poulenc, Whitacre, Palestrina, Schütz og mange flere. Billett kr. 150.

## 15. juni

### Rasteplassen, Idrettsvegen 1A, 5936 kl. 18:00

<<Syng sommaren saman – fellessong på Rasteplassen>>  
William Kay med gjestar.

## 18. juni

### Manger kyrkje kl. 18.00

Konsert og CD-slepp med Rune Alver og Inger Johanne Ektvedt.

Billett vaksne 200 kr, under 16 år 100 kr.

## 18. juni

### Midtsommarkonsert i Lygra kyrkje kl. 18.00

”SOM EI ROSE ...” Vakker song og musikk for den lyse årstida.  
MEDVERKANDE: Kjersti Møllerup Wiik, sopran/dirigent, Laila Kolve, fløyter, Vidar Eldholm, tangentar, Damekoret ”KVENDE”, Kwartettar og solistar som t.d. Astrid Aa.Byrknes, Astrid Skodvin, Linn Haaland, Kristine H. Titland m.fl.

Bill.kr 250,- på Ticketco.no, ved døra eller over tlf. 92 66 39 20. I samarbeid med Lyngheisenteret som serverer middag/lunsjrett fram til kl 1730.

Arr. Nordhordland Song-og musikkverkstad.

## 25. juni

### Konsert med orgel, gitar og flygel i Knarvik kyrkje kl. 19

Gitarist Bjørn Schille og organist/pianist André Eide inviterer til orgel, gitar og flygel-konsert. Bjørn Schille spelar hybridgitar som er ein kombinasjon av elgitar og bassgitar og saman med Eidè framfører dei eit variert repertoaret med både kombinasjonen gitar & orgel, samt solonummer.

## Svært godt resultat i Fasteaksjonen

Tekst og foto: Gunnar Kartveit

Årets Fasteaksjon gav som resultat 365.000 kr totalt i Alver og Modalen. Det gjev reint vatn til heile 1.460 menneske!

Pengane kom inn både som kontantar, på Vipps og ved bankoverføring. Innsamlinga fordeler seg slik på dei ulike sokna:

Meland 120.383 kr  
Radøy 102.860 kr  
Lindås 65.904 kr  
Knarvik 53.642 kr  
Osterfjorden 19.123 kr  
Modalen 14.792 kr

365.000 kr frå Alver og Modalen er det nest høgaste nokosinne, og berre 18.500 mindre rekord-resultatet i fjor – trass i det kraftige snøveret som stengde delar av området vårt på den planlagde innsamlingsdagen. Snøen

førte til at Lindås og Radøy utsette dør-til-dør-aksjonen. Like fullt auka Meland og Radøy resultatata sine frå i fjor.

### STOR TAKK til alle som

- organiserte innsamlinga
- gjekk med bøsser: konfirmantar, foreldre og andre
- gav kontantar, vippsa eller overførte på konto
- Radøy Matsørvis og andre som gav gratis kake og bollar til bøsseberarane

Pengane kjem fram, og dei bergar og endrar liv!



**RISNES**  
**ELEKTRO AS**

Elinstallatør · tlf. 56349620



## GOD PINSE!

Les gjerne om pinseunderet i Apostelgjerningane kap. 2.

Den tyske kunstnaren Gebhard Fugel (1863-1939) har laga maleriet «Pinsepreike» med utgangspunkt i denne forteljinga. Biletet er henta frå Wikimedia Commons.

Vår lokale prest i Meland, Bjørn Tore Sæle, gjev oss andakt over orda frå det same kapitelet.

Vi gler oss over pinseunderet. God pinse!

## PINSEANDAKT

# Høre og gi videre

Av Bjørn Tore Sæle, sokneprest i Meland

### Meget er forskjellig, men det er utenpå

«Meget er forskjellig, men det er utenpå», het det i barnesangen mange av oss husker. Egentlig er vi ganske forskjellige inni også. Det føles som livslang læring å forstå hvor forskjellige vi faktisk er, når det kommer til erfaringer, syn på livet, tro, tanke og mening. Men tross alle disse forskjellene, er det noe sant i påstanden: Inni er vi ofte like i det å trenge håp, drømmer, et meningsfullt liv og et fundament å hvile på i møte med motgang og død.

### Evangeliet til alle slags folk

Pinsen kan forstås som at Gud kaller alle oss forskjellige, og vil møte oss i dette som er felles. Fra forvirringen i Babylon går det en linje til pinsedagen, fra alle de som ikke lenger forstod, til pinsedagen der alle fikk evangeliet på sitt språk. Alle de som var forskjellige, utenpå og inni, fikk evangeliet om Jesus til seg. Alle slags mennesker ble kalt. Pinsen betyr at evangeliet ikke er skjult og for noen få, for de som knekker koden. Det er til hvert menneske, med sine tanker, lengsler og språk. Jesus stod opp for deg. Siden pinsedagen har alt handlet om å bære dette budskapet videre til alle folk, til alle slags folk, på alle tungemål, for at alle skal få tro.

### Høre eller ikke høre

Men fra det ene barndomsminnet til det andre: Karius og Baktus; hva de sa om tannlegen, da de hadde ropt at han ikke skulle tette hullene deres? ”Han hører ikke,” sa Baktus. ”Han vil ikke høre,” sa Karius. Hvor mye språket enn treffer, hvor mye det enn møter vår livssituasjon, ja om ordene så å si er designet for å krype inn i akkurat våre ører, så hjelper det ikke, om jeg ikke vil høre. Et budskap trenger mer enn åpne ører for å nå inn, det trenger også åpne sinn. En rabbiner formulerte et prinsipp: Dersom du skal forstå noe, må du først gå ut fra at det som blir sagt, er fornuftig (referert etter Kristian Kise Haugland). Pinsen handler altså også om tilhørerne, at vi må lytte med åpne sinn til det som blir forkynt for oss.

### Høre og gi videre så alle kan forstå

Språk kan skille og språk kan samle. Pinsedagen var starten på å samle alle som er spredt og skilt, samle oss om



Gebhard Fugel: "Pinsepreike"

evangeliet, håpet og oppstandelsen, ja om Gud. Vi kalles til å lytte og ta til oss, og så bære ordet videre på et språk og på en måte som kan bli forstått av den som hører. Gud vil et fellesskap med alle slags folk og tungemål, et fellesskap der du og jeg hører med.



# Heilt Enkel Hekla Veske

Begynnarvenleg oppskrift på hekla veske av Solbjørg Makalani Myrtveit Sæther  
IG: @nordicyarnart Epost: nordicyarnart@gmail.com

## Storleik og utstyr

Storleik: Høgd 23 cm, breidde 26 cm.

Heklefasthet: 10 x 10 cm tilsvare 10 masker og 11 rader fm rundt og rundt i dobbelt garn Drops Paris.

Heklenål: Str. 7 mm, eller den som gjev rett heklefasthet.

Garn: 200 gram Paris frå Drops/Garnstudio (75 m/50 gram). Du heklar med dobbelt garn.

Du treng også: saks, stoppenål og ein maskemarkør.

Merk: Veska fungerer fint utan fôr! Dersom du har lyst å sy i fôr, kan du kontakta Solbjørg Makalani og få tilsendt skildring av korleis du gjer det.

## Forkortingar:

R: runde/rundar – m: maske(r) – fm: fastmaske(r)  
lm: luftmaske(r) – km: kjedemaske(r)

## Oppskrift

Veska er hekla i ein del. Du startar med å hekla ein oval botn med fastmasker i spiral. Sidene heklar du også med fastmasker i spiral. På dei siste rundane lagar du hankane.

Legg opp 15 lm med dobbelt garn.

R1: 2 fm i 2. lm frå nåla. 12 fm. 5 fm i siste maske. Desse 5 m vil gjera at arbeidet roterer ca. 180 grader. Hekl tilbake på andre sida av oppleggsrada. 12 fm. 3 fm i siste maske – same maske som dei 2 første fm er hekla i. (34 m)

*Plasser ein markør i første fm på runden. Når du kjem rundt til markøren igjen, heklar du vidare til neste runde utan km eller andre overgangar. Flytt markøren til første fm på ny runde. Dette gjeld for alle rundar der ikkje anna er sagt.*

R2: 2 fm i kvar av dei to neste m. 12 fm. 2 fm i kvar av dei neste 5 fm. 12 fm. 2 fm i kvar av dei siste 3 fm. (44 m)

R3: 2 fm i første m, 1 fm, 2 fm i neste m. 13 fm. \*2 fm i same m. 1 fm\*. Gjenta frå \* til \* til saman 5 gongar. 12 fm. \*2 fm i same m. 1 fm\*. Gjenta frå \* til \* til saman 3 gongar. (54 m)

R4: Fm heile vegen rundt. (54 m). No er botnen ferdig.

R5, R6 og R7: Fm heile vegen rundt. (54 m)

R8: 2 fm saman (du feller 1 fm). Denne fellinga er i sida av veska (rett over og i midten av der aukingane skjedde på dei første radene). 25 fm. 2 fm saman. 25 fm. (52 m)

R9 til R22: Fm heile vegen rundt. (52 m)

R23: 2 fm (sjekk at du er akkurat i «bretten» av veska). 9 fm. 9 lm, hopp over 9 fm. 8 fm (sjekk at du er akkurat i «bretten» på motsett side). 9 fm. 9 lm, hopp over 9 fm, 6 fm. (52 m)

R24: 1 fm. 2 fm saman (du feller 1 m i sida på veska). 8 fm. 9 fm om luftmaskebogen. 7 fm. 2 fm saman (du feller 1 m i motsett side). 8 fm. 9 fm om luftmaskebogen. 6 fm. (50 m).

R25: 10 fm. 11 fm (eller fleire\*) om hanken. Hekl fastmaskene så dei festar rundt heile hanken – ikkje fest dei i fm frå førre runde, slik du vanlegvis ville gjort. Hekl tett og så jamt du klarar. 16 fm. 11 fm (eller fleire\*) om hanken. 6 fm.

*\*Hekl så mange fm som du treng for å få heile luftmaskebogen dekkja av fm tett i tett. Dette gjeld både R25 og R26.*

R26: 1 fm. 2 fm saman. 7 fm. 15 fm (eller fleire\*) om hanken. Hekl fastmaskene rundt heile hanken – ikkje fest dei i fm frå førre runde. Hekl tett og så jamt du klarar. 7 fm. 2 fm saman. 7 fm. 15 fm (eller fleire\*) om hanken. 6 fm. Km til første fm på rada. Bryt garnet og fest alle endar.

*Tips: Det kan henda det er a lita opning i maska der du hekla 5 fm (R1). Om du vil, kan du snurpa dette hòlet saman ved å sy gjennom maskene og så strama godt til. Fest så endane.*

Valfri kant: Skift til nål nr 4. Hekl km gjennom fm på siste rad heile vegen rundt. Km skal leggja seg på framsida. Bryt garnet og fest alle endar.

Eg, Solbjørg Makalani Myrtveit Sæther, har utforma og skrivne oppskrifta. Du kan ikkje dela den vidare. Ikkje nøl med å ta kontakt på e-post eller via Instagram viss du har spørsmål eller kommentarar. Del gjerne bilete tagga med #heiltenkelveske, #nordicyarnart eller @nordicyarnart i sosiale medium. Eg håpar du vil kosa deg med både prosessen og veska! Lukke til! Helsing Solbjørg Makalani. Takk til Astrid Storheim Myrtveit, Ingrid Myrtveit Petersen



Ingrid Myrtveit Petersen viser kor fine hekla vesker kan bli.

**Torsvik Elektro AS er total-leverandør av elektroinstallasjoner i Alver**

**Vi utfører:**

- Bolig og industri • Alarm
- Billadere • Adgangskontroll
- Tele/data-nettverk • Automatisering • Godkjent for kontroll av el. anlegg

Torsvik Elektro AS / Lager: Olsvollstranda  
Tlf: 56 38 50 00 / www.torsvik.no / post@torsvik.no  
KVALITETSBEVISST – LØSNINGSORIENTERT – SAMARBEIDSVILLIG





**Alver Byggrenhold**



Frå Aleppo etter jordskjelvet. Tasnim News Agency, CC BY 4.0, Wikimedia Commons.

# Både hus og håp knust i jordskjelvet

Tekst: Anne Sofie N. Uthaug

**6. februar var det eit skakande jordskjelv i Syria og Tyrkia som knuste tallause hus og drap over 50 000 menneske. Her i Alver kommune bur det fleire som kjenner godt til konsekvensane, sidan det var familie og kjente som vart ramma. - Livet har stoppa opp i Syria no, seier ei av dei.**

Vi hadde ein prat om jordskjelvet med tre syriske ektepar busett på Frekhaug og i Alversund. Av ulike grunnar er det vanskeleg å stå fram med namn og foto.

- Eg sov ikkje skikkeleg i ein måned etter skjelvet, fortel ei kvinne i førtiåra. Foreldra hennar bur i Jableh, ein by i kystregionen Latakia. Dei flykta til sommarhuset dei har i fjellet og har enno ikkje turt å reise tilbake til heimbyen. Det har vore mange etterskjelv, og frykten for at hus skal falle saman er stor. Det var også frykt for ein tsunami frå sjøen. Jableh vart svært hardt skada, heile familiar vart drepne, tusenvis av hus fall saman.

Syria har vore ramma av krig sidan 2011, og det var nok av problem frå før. Enorm inflasjon, manglande straum og drivstoff, høge matprisar, vanskeleg å få ta tak i det meste. Folk flest fell ned i fattigdom. Jordskjelvet har gjort situasjonen endå verre. Då er det vanskeleg å vere i trygge Norge og ha få måtar å kunne hjelpe på. Dei syriske flyktningane i Alver måtte berre sjå på at folket deira ikkje fekk så mykje hjelp i dei kritiske første døgn. Det mangla diesel, gravemaskiner og anna utstyr. Det er ikkje mogleg å overføre pengar til Syria, berre til naboland.

Eit lyspunkt var det likevel at kyrkjene organiserte seg godt og har stilt med svært mykje hjelp. I Aleppo, som er ein stor by, hjelper kyrkjene no med å trygge folk sine hus og leilegheiter med å sende rundt ingeniørar som undersøker husa og planlegg kva som må gjerast. - Ikkje ver bekymra, alle skal få hjelp, men det tek litt tid, sa ein biskop i ein video som vart spreidd. Rett etter jordskjelvet var kyrkjene raskt

på banen og sikra at folk fekk ein varm plass å bu, og mange stilte egne hus til disposisjon for dei som mista heimen.

## Livet har stoppa opp

Men det er tungt å sjå håp i Syria no. Inflasjonen har stige til himmels, eit kilo kjøtt kostar til dømes ei månadslønn. Grønsaker, som Syria tidlegare eksporterte, er blitt veldig dyre sidan det er vanskeleg å vere bonde utan diesel til maskinene. Straumen er vekke i timar om gongen, det er vanskeleg både å jobbe og fungere heime med periodar på 1-1,5 timar med elektrisitet eit par gonger i døgnet. - Håpet er å kome seg ut av landet, seier ei av damene. - Folk lengtar på ein måte tilbake til krigen, sukker ein av dei andre, og legg forklarande til: - Då hadde dei i alle fall pengar og mat.

## Kva kan ein gjere?

I tillegg til å sende pengar gjennom gode organisasjonar (sjå neste side), bør det leggst press på politikarar for å stoppe sanksjonane mot Syria, seier ektepara. - Sanksjonane skadar berre dei som har det vanskelegast, dei rike og mektige har alltid det dei treng, meiner flyktningane frå krigen i Syria. Og krigen har vara i tolv år utan at sanksjonane ser ut til å hjelpe.

Og som kyrkje må vi hugse å be for Syria.

### Organisasjonar som gir hjelp i Syria:

- Åpne Dører (partnerkyrkjer i Aleppo og Latakia) Vipps 580314. [open.doors.no](https://open.doors.no)
- Don Bosco, katolsk org. Help us PDO - MOR ([donboscomor.org](https://donboscomor.org))
- Unicef Vipps 77740. [unicef.no](https://unicef.no)
- Norsk folkehjelp. Vipps 10145 [folkehjelp.no](https://folkehjelp.no)
- Kirkens nødhjelp. Vipps 2426. [kirkensnodhjelp.no](https://kirkensnodhjelp.no)



# Himalpartner sitt sommarrstevne på Frekhaug

Den 29. juni til 2. juli samles vi til årets store treffpunkt med sosialt og åndelig fellesskap for store og små! I år kommer vår partnerorganisasjon ECEC og våre utsendinger i Thailand! HimalPartners sommerstevne med landsmøte avholdes på Nordhordland folkehøyskole på Frekhaug utenfor Bergen. Sommerstevnet starter med et kveldsmøte torsdag 29. juni etter landsmøtet. Hjemreise etter gudstjeneste i Meland kirke søndag 2. juli.

## Programmet inneholder:

- Formiddagsmøter med bibeltidholder prof. em Egil Morland
- Kveldsmøter med Alle sammen-møter for store og små
  - Seminarer med bl.a. våre utsendinger i Thailand og vår partnerorganisasjon ECEC
  - Sang og musikk
  - Himalayatorg
- Program for barn og unge

Mer informasjon: <https://www.himalpartner.no/>

# Misjonsbasar

Foto: Frå basar november 2022. Regine Sagstad Berg

Søndag 11.juni blir det misjonsbasar i kyrkja i samband med gudstenesta, slik det har vore nokre gonger før. Inntekta går til misjonsprosjektet vårt i Midtausten med fokus på mediekanaalen Sat 7.





# Tankestrek

Tekst: Håkon Økland Kinsarvik

**“Ein blir like lite ein bil av å stå i ein garasje, som ein vert kristen av å gå i kyrkja!”**

Eg spør venner kvifor dei ikkje har funne sin plass i kyrkja, og svara er mange og gode. Dei har opplevd fordømming, utestenging eller rett og slett vorte skuffa av menneska i kyrkja. Nokon snakkar om musikkstilen som ikkje gir dei påfyll til trua, at det er for tidleg på dagen, eller rett og slett at dei ikkje har moglegheit på grunn av helse eller livssituasjon. Alle desse svara er gode og forståelege.

Til tider kan det vere like religiøst å gå på ein fjelltur åleine med ein god podcast eller god musikk, eller å ha ein god samtale i husgruppa som fører meg nærare Gud. Å gå på ein vakker konsert kan også skape noko i meg som kjennest levande, godt og kjennest som ein gudgjeven oppleving. Eg hugsar sjølv forvirringa eg følte då eg var student og opplevde dei same kjenslene på ein konsert som eg hadde opplevd i bønn eller på ei gudsteneste.

Det å være kristen handlar ikkje berre om å gå i kyrkja, men også om å vere ein del av fellesskapet. Eg går på gudstenester for å vere ein kristen, og eg treng å vere ein del av eit fellesskap av menneske som både kan såre og skuffe meg. For eg treng å vere i eit fellesskap som toler heile meg, også når eg sårar og skuffar andre. Eg treng å lære at Gud møter folk med ulike musikkstilar og trusuttrykk for å sjå kor stor Gud er. Eg treng både å kjenne at Gud er til stades på gudstenester og å erfare at han gir meg kjensler som både har utspring på ein konsert, i naturen og i menneske som er ufullkomne.

Derfor er det flott med alle dei ulike menneska som samlast i kyrkja, på tvers av politisk ståstad, språk og trusuttrykk. Det er der eg møter Gud, og eg er sikker på at du også kan møte Gud der. Vi blir kristen av å tilhøyre fellesskapet, for trua er ein praksis ikkje ei intellektuell øving.



## DEN NORSKE KYRKJA

Meland kyrkjelyd

**Besøks- og postadresse kontor og Møteplassen:** Havnevegen 31, 5918 Frekhaug. NB. Brakker frå 01.04.23

**Opningstid:**

Kontoret på Frekhaug er oftast bemanna man-fre 08.30-15.00. Ta kontakt for avtale.

**Telefon:** 4000 1691

kvar dag kl 10.00 – 14.00.

post.meland@kyrkja.no

www.melandkyrkja.no

**Facebookside:** Meland kyrkjelyd

**Kontonummer:** 3632 07 04019

**Vipps:** 59301

Hugs å merka kva betalinga gjeld.



**Følg oss på Facebook:**  
[@melandkyrkja](#)

**Alver kyrkjelege fellestråd**

Lonsvegen 1, 5914 Isdalstø

post.alver@kyrkja.no

www.kyrkja.no/alver

**Leiar i fellestrådet:** Tove Sneås

Skaug. tovesneska@gmail.com

**Kontakt**

**Utgjevar:** Soknerådet i

Meland sokn, i samarbeid med

Osterfjorden sokn, Mo sokn,

Knarvik sokn, Radøy sokn og

Lindås sokn.

**Redaktør:** Øystein Skaug

**Lokal redaksjon:** Solveig

Westermoen, Anne Sofie N.

Uthaug

**Grafisk design:** Simen Søvik

**Trykk:** Bodoni AS

**Framsidedeilete:** «Tårnagentar»

i Meland kyrkje saman med

soknepresten. Foto: Tora Brakstad

Traa



**Helge Taranrød**

Prost

ht759@kirken.no



**John Fredrik Wallace**

Kyrkjevevjerje

jw734@kyrkja.no



**Bjørn Tore Sæle**

Sokneprest - 450 35 084

bs694@kyrkja.no



**Anne Sofie Nergård Uthaug**

Dagleg leiar - 404 62 647

au887@kyrkja.no



**Anne Marit Fosse Dahle**

Kyrkjelydsdagagog - 400 01 691

ad423@kyrkja.no



**Håkon Økland Kinsarvik**

Spesialprest - 976 44 169

hk482@kirken.no



**Gyda Matland**

Administrasjonssekretær

400 01 691 - gm663@kyrkja.no



**Magnus Blom**

Kyrkjemusikar - 995 81 839

post.meland@kyrkja.no



**Mounir Sarhan**

Kyrkjjetenar - 471 91 961



**Ruben Sæle**

Diakon med ungdomsfokus

400 01 691 - rs433@kyrkja.no



**Regine Sagstad Berg**

Soknerådsleiar - 993 24 460

reginesagstad@gmail.com

# GUDSTENESTE- KALENDER

Foto av Meland kyrkje: Morten Sæle



## Meland

### 7. mai kl. 11

Bjørn Tore Sæle  
Dåp og nattverd  
Årsmøte etter gudstenesta

### 14. mai kl. 11

Søndagsåpent  
Bjørn Tore Sæle  
Nattverd

17. mai kl. 11.45  
(etter folkemøtet)  
Nasjonaldagen  
Håkon Kinsarvik

### 18. mai kl. 12

Friluftsgudsteneste  
Håøytoppen  
Bjørn Tore Sæle

### 21. mai kl. 11

Håkon Kinsarvik  
Dåp og nattverd

### 28. mai kl. 11

Pinsedag /  
høgtidsgudsteneste  
Bjørn Tore Sæle  
Dåp og nattverd

### 29. mai kl. 19.30

Internasjonal gudsteneste  
Håkon Kinsarvik  
Nattverd

### 4. juni kl. 11

Søndagsåpent  
Samtalegudsteneste  
konfirmantar  
Bjørn Tore Sæle og Håkon  
Kinsarvik  
Nattverd

### 11. juni kl. 11

Løvegjenggudsteneste med  
misjonsfokus  
Håkon Kinsarvik  
Nattverd

### 18. juni kl. 11

Bjørn Tore Sæle  
Dåp og nattverd

### 25. juni kl. 11

Håkon Kinsarvik  
Nattverd

### 2. juli kl. 11

Håkon Kinsarvik  
Besøk frå Himalpartner  
Dåp og nattverd

### 9. juli kl. 11

Håkon Kinsarvik  
Nattverd

### 16. juli kl. 11

Håkon Kinsarvik  
Dåp og nattverd

### 23. juli kl. 11

Bjørn Tore Sæle  
Nattverd

### 30. juli kl. 11

Bjørn Tore Sæle  
Dåp og nattverd

### 6. august kl. 11

Bjørn Tore Sæle  
Nattverd

### 13. august kl. 11

Bjørn Tore Sæle  
Dåp og nattverd

### 20. august kl. 11

Løvegjenggudsteneste med  
ranselbøn  
Håkon Kinsarvik  
Nattverd

### 27. august kl. 11

Friluftsgudsteneste  
Holmeknappen  
Bjørn Tore Sæle

### 3. september kl. 11

Bjørn Tore Sæle  
Dåp og nattverd

### 9. september kl. 10, kl. 12 og kl. 14

Konfirmasjonsgudstenester  
Bjørn Tore Sæle

### 10. september kl. 11

Konfirmasjonsgudsteneste  
Bjørn Tore Sæle

### 10. september kl. 19.30

Kveldsgudsteneste  
Håkon Kinsarvik  
Nattverd

### 16. september kl. 10, kl. 12 og kl. 14

Konfirmasjonsgudstenester  
Håkon Kinsarvik

### 17. september kl. 11

Håkon Kinsarvik  
Dåp og nattverd

## Slekters gang

### Døpte

26.02.2023

Isak Elish Namdal Steinhoff  
Andrea Lie Storvoll  
Ada Hansen Birkeland

19.03.2023

Varg Vik Vedå

26.03.2023

Filip Mellingen (Knarvik kyrkje)  
Eliana Rodriguez

02.04.2023

Isabella Rodriguez  
Nicolas Malai Hjertås

09.04.2023

Åshild Solen Maraas

23.04.2023

Runa Konecny-Burhol  
Elisabeth Burhol-Larsen  
Isak Nordal Askeland

### Gravferd

07.03.2023: Audun Kåre Gripsgård

14.03.2023: Synnøve Beate Vikebø

17.03.2023: Liv Uthaug

28.03.2023: Atle Austegard

28.03.2023: Terje Larsen

05.04.2023: Sverre Eikeland

18.04.2023: Olaf Andreas Husebø

21.04.2023: Magne Wilhelmsen Kårbø

21.04.2023: Wilhelm Skråmestø